
RAGAD ADVERTENTIE:

Kabar premii: 1 — 30 temboeng f 1.—
Langkoengipoen, saben 10 temboeng oetawi
kirang: f 0,50.

Advertentie limrah: f 0,15 sagaris:
(apes: f 1,25).
Moendoet kapatjak langkoeng saking sa-
pisan, oetawi moendoet dados lengganan,
teping rembag roemijin kalijan admini-
stratie.

Hoofdredacteur:

B. SOEMARNA

kabantoe

REDACTIE - COMMISSIE.

SWARA-TAMA

SERAT KABAR KATHOLIEK

== Medal saben dinten Djoemoewah. ==

REGINIPOEN LENGGANAN

SWARA TAMA

sampoen kalijan regining Soeara Katholiek

1 taoen . . . f 7,50 } njoewoen kabajar
1/2 " . . . f 3,75 } roemijin.

Adresipoen Redactie lan Administratie

IGNATIUS-COLLEGE

DJOKJAKARTA.

Drukkerij „Canisius“ Djokja.

ISINIPOEN:

Goemoen—Soemangga toemandang
—Keselipoen tijang njamboet damel
—Pangoela-wentahing bangsa wa-
nita—Idjab ingkang dèrèng oemoer
—Djagi poera — Nasib — K. W.
Semarang — Kring Bandoeng —
Rembagipoen Garèng lan Pétroek —
Ontjèn sekar gambir melati—Kagoe-
nan—Oerap-sari.

GOEMOEN.

Saking panginten koela: mila Goe-
permen ngwontenaken „Commissie
voor de Volkslectuur“ poenika soe-
pados toemoet anggoela-wentah da-
teng para kawoela (volksopvoeding).
Nanging sadjatosipoen teka malah
moelang awon dateng tetijang; tan-
danipoen katah boekoe² wedalan
Volkslectuur ingkang saroe², kadosta
njandra tijang gandroeng lan remenan
lan sapanoenggilanipoen. Manawi
mendet toelada ingkang taksih énggal,
kadosta ingkang kamoting „Kedjawèn
angka 87 tg. 30 October lan angka
88 tg. 2 November 1929, tjarijosi-
poen Sirwènda lan Djanoerwènda.”

Bokmanawi wonten ingkang moe-
ngel, bilih Volkslectuur kedah nétral,
tegesipoen boten anggepok agami.
Poenika koela tjtjog, ananging sa-
nadjan nétral pisan, boten anggepok
agami, meksa kedah nglenggahi ka-
saénan. Basa ingkang saroe - saroe
poenika dédé kasaénan. Tijang oe-
tawi laré dipoentjarjosi ingkang sa-
roe² poenika dédé kasaénan. Tijang
oetawi laré dipoentjarjosi ingkang
saroe - saroe poenika boten badé min-
dak saé, nanging badé dados awon.

Mila jèn Volkslectuur badé toe-
moet anggoela - wentah dateng ka-
woelaning negari (Volksopvoeding)
sampoen ngedalaken boekoe ingkang
saroe - saroe, doemèh saé temboeng
oetawi oekaraniipoen. Oepami kapek-
sa ngedalaken boekoe ingkang pan-
tjèn wonten ingkang saroe - saroe,
inggi dipoenbesoet, dipoenitjali sa-
roe - saroenipoen roemijin. Déné jèn
saroe - saroe dipoenanggep „opvoe-
ding“ la kedjawi!!!! sampoen
boten kénging dipoenrembag.

J. K.

SOEMANGGA TOEMANDANG.

Toemandang poenapa? Para sadè-
rèk sampoen priksa, sepinten dajani-
poen piawon, sapinten dajaniipoen se-
rat², boekoe², dados sepinten dajani-
poen serat oetawi boekoe² awon. Kita
ingkang antjasipoen nedya adamel
saénang djagad, poenapa ladjeng badé
kèndel kémawon, manawi djagad ba-
dé dipoenlebi serat oetawi boekoe
ingkang awon.

Soemangga sami ènget: Sapa sing
bisa nekam lajang-lajang kabar
(boekoe-boekoe), mesti ija bakal bisa
nekam wong sadjagad. Dados sa-
oepami serat-serat lan boekoe-boe-
koe waoe awon, poenapa djagad
badé dados saé?

Mila sampoen koewadjiban kita
nanggoelang serat ingkang nenoen-
toen dateng piawon, ngalang-alangi
ngrebndanipoen poen oepasing djagad,
inggih boekoe awon. Déné kados-
poendi sagedipoen toemindak, sebab
serat waoe sampoen ngambra-ambra
soemrambah ing sadjagad, langkoeng-
langkoeng ing djagad Djawi? Am-
bèngkas babar pisan temtoe badé
boten saged oetawi angèl sanget,
ananging menggak lan ngrendetaken
soembaripoen saged, sarana damel
boekoe saé, ladjeng kasebaraken,
soepados kawaos ing para tijang.

Pramila kanggé kita Katholiek
Djawi perloe sanget lan betah da-
teng boekoe-boekoe saé, boekoe
warni-warni, ingkang moerakabi
gotrah Katholiek. Poenapa poenika
badé gampil toemindakipoen? Sinten
ingkang badé ngajati? Rama pas-
toer? Inggih pantjènipoen, sebab
poenika sampoen nama dangoe lan
inggi pangoeadinipoen seserepan,
prasasat moempoeni kawroeh, pe-
noeh ngèlmoe mantja warni; dados jèn
poenika ingkang njalirani, boten badé
koetjiwa. Ananging kawoeningana,
para sadèrèk, pinten tjatjahipoen

pastoer Djawi?? Saweg sakedik sa-
nget, toer sampoen kawraten pan-
damelan katah, matoempa - toempa,
dados manawi badé ngasta poenika
temtoenipoen boten kober. Poenapa
badé ngentosi bédjeng jèn sampoen
katah? Lah bédjeng poenapa poe-
nika? Sinten ingkang menangi? Koela
sampéjan bokmanawi boten, Poetra
wajah, tjanggah warèng? Manawi
dipoensrantosaken makaten poenika,
piawon sampoen ngojod, kasèp laloe,
angèl sanget pambéngkasipoen.

Pramila soemangga dipoenwiwiti
sapoenika kémawon; lah inggih
satindakipoen roemijin, sagajoek-
gajoekipoen roemijin, sasapoena
wonten ingkang ada-ada, lah ing
bédjeng namoeng kanten neroes-
aken kémawon. Miwiti poenika nama
rekaos, ananging inggih boten dados
poenapa; sebab mangké manawi
namoeng dipoenrembag kémawon,
boten badé poetoos-poetoos.

Kita Katholiek Djawi betah sanget
waosan saé, mangka waosan dèrèng
katah.

Kados - poendi sapoenika anggèn-
ipoen kedah ngadani poenika? Ing-
kang sampoen koela soemerepi ing-
kang badé ngarang boekoe poenika
ragi kadoeng, tegesipoen awis-awis
ingkang medal pamanahanipoen pi-
jambak. Kita boten soesah ngarang
pijambak (jèn saged langkoeng oe-
tami), ananging mendet boekoe sa-
king basa sanès, ladjeng kadjawèkna,
poenapa malih boten kirang boekoe
saé ingkang tjtjog kalijan pama-
nahan Djawi.

Saking pangdjeng - adjeng koela
sageda kaleksanan idam-idaman ma-
katen poenika, ladjeng saking sakedik
saged ngitjali boekoe-boekoe, ing-
kang namoeng badé moelang awon
kémawon dateng para tijang. Woe-
sana soemangga. S. S.

PRADJA RAHAJOE.

Keselipoen tijang njamboet damel.

Toemrap para djempol-djempolan
ingkang ngrembag pradja rahajoe,
prakawis keselipoen tijang njamboet
damel poenika inggih dados mema-
nahan.

Angger tijang temtoe sampoen
ngalami pijambak: otot poenika ma-
nawi mentas kanggé, ladjeng kraos
kesel. Oepami pandjenengan awis-
awis angkat - djoendjoeng, ladjeng
kapeksa mindah lemantoen ageng,
mangké rak kraos kesel, nanging
keselipoen waoe boten dangoe
noenten itjal, bédjeng jèn kapoerih
ngangkat malih, inggih poeroen.
Dados mitoeroet kawontenan ing
nginggil poenika, kesel poenika
manawi madya, kados salimrahipoen,
kekijataning otot saged poeli malih.
Ingkang kados makaten poeni-
ka boten dados rembag.

Ingkang dados rembag poenika
njoemerepi watesipoen, oetawi nger-
tos dangoenipoen njamboet damel,
ladjeng saged moeng: Wis, ora
kena loewih, saiki ngaso.

Poenika prakawis angèl, awit jèn
manoeft roemasing manah,
pamawasipoen gampil klintoenipoen.
Tijang poenika manawi kapoerih
njamboet damel, mangka pandamelan
adjeg sami kémawon oepami nglin-
ting rokok lsp. poenika roemasing
énggal kesel, wewah-wewah jèn kanti
manah kirang seneng. Sarèng ngetjakaken pandame-
lan ingkang langkoeng awrat ngantos
dangoe, nanging dados kasenenga-
nipoen, sampoen kesel, ngakenipoen
dèrèng kesel.

Ingkang masti watesing kesel
poenika anger tijang: béda, mawi-
mawi kawontenaning badanipoen.

Inggih margi boten gampil nger-
tosipoen poendi watesipoen kesel
limrah, poenika moeroegaken won-
ten katjilakan. Ingkang kerep-kerep
sampoen ngilontjok ing wates, sa-
weg kémawon ngertos, nanging sam-
poen kasèp, tjara gandéwanipoen
kapentang makaten sampoén njwara
mak-krepek. Kanggé andjemparing
boten saged lepas.

Toemrapipoen tijang, kesel lang-
koeng saking madjad poenika sa-

ged andadosaken klijeng - klijeng,
ngengleng, éwah. lsp.

Amrih sampoen kemandjangan a-
toer koela, ingkang moeroegaken ke-
sel poenika koela tjekak, kadosta le.
kiranging padang. Poenika saged
njoeda 20 persèning dajaning njam-
boet damel. Margi kirang padang,
mripat dados kesel langkoeng saking
ngadat, woesana andjalari sakit
ngeloe.

2e. kiranging hawa saé. Jèn tijang
katah njamboet damel wonten ing
kamar, mangka kamar waoe tanpa
mawi tjandéla ngantos hawa ing
ngrikoe dados bosok (kekatahen
koolzuur, kirang zuurstof) tetijang
waoe panjamboetipoen damel tamtoe
énggal kesel.

3e. kekatahen swara. Jèn wonten
tijang kedah njamboet damel, mangka
kebrebegen swaraning montor lsp.
poenika panjamboetipoen damel,
soepados tanpa lepat, kedah lang-
koeng dipoen-gatosaken, mila ladjeng
moeroegaken énggal kesel.

4e. pandamelan ingkang adjeg
sami kémawon poenika oegi ngéng-
galaken kesel, boten amargi mboseni
(oepami madoeng), nanging margi
wongsal-wangsoel otot-otot ingkang
kanggé adjeg sami kémawon.

5e. kirang srenging papan ingkang
kanggé linggihi oegi ngénggalaken
kesel.

6e. kedangon panjamboetipoen
damel moeroegaken langkoeng kesel.

Taksih wonten pangoengilanipoen
prakawis inggih moeroegaken éng-
gal kesel. Sanadjan ingkang koela
rembag bab keseling tijang ingkang
berah, kénging oegi katoemrapaken
dateng laré pamoeangan lsp.

Djempol-djempolan ingkang ma-
gepokan kalijan pabrik lsp. koela
atoeri manggali prakawis poenika
sarembag kalijan toewan pabrik. Jèn
toewan pabrik nalar, temtoe malah
bingah, djalaran berahipoen waras-
waras. Poen P. D.

LARASATI.

PANGGOELA-WENTAH- IPOEN BANGSA WANITA.

Prakawis poenapa ingkang prajogi
kasoemerepan déning para pandidik-
ing wanita, sampoen koela atoer-
aken ing Sw. Tm. minggoe kapeng-
ker, inggih poenika wonten sekawan:

1. Wanita badé njepeng tek-kli-
wering grija.

2. Wanita badé dados bijoeng lan
moelasara anak.

Poenika sampoen koela rembag
ing Sw. Tm. minggoe kapengker.
Sapoenika badé rembag nomer:

3. Wanita ing bédjeng badé da-
dos tetimbanganipoen prija, dados
kantinipoen ing sadjeg gesang. Mang-
ka ing djaman sapoenika sampoen
nama djaman madjeng, mila ladjeng
kaot kalijan roemijin-roemijin. Prija
boten badé teroes saangsal-angsa-
liipoen kémawon, nanging prija ing-
kang nglenggahi djaman inggih mi-
lih wanita ingkang oegi sampoen
madjeng. Inggih leres garwanipoen
advocaat boten kedah wanita ingkang
poetoos bab pangadilan; garwani-
poen goeroe boten kedah wanita
ingkang oegi gadah diploma goeroe.

Nanging prija ingkang gadah kasa-
gedan toewin pangkat meksa pados
wanita ingkang sekolahan.
Roemijin koela sampoén ngandar-
aken, bilih beboedenipoen (verstand)
wanita boten njandak beboedenipoen
prija. Kawontenan makaten poenika
boten kénging kasoepèkaken déning
para pandidik ingkang wanita.
Poenapa malih menggahing wanita
oetami aloesing lelagéan poenika
dados nomer satoenggal, sebab poe-
nika dados rerengganing tijang ge-
grija. Ananging sanadjan kados ma-
katen kawontenanipoen, wanita ing-
kang gadah seserepan, langkoeng
mikantoe ki katimbang kalijan boten.

4. Pangoela - wentahing bangsa
wanita kedah ngèntèni pangkat oe-
tawipandamelan, ingkang badé linam-
pahan ing bédjengipoen. Bab poenika
sampoén koela terangkèn ngantos
pandjang sanget. Wanita ingkang
énggal gegrija, panggoela-wentahi-

poen temtoe kaot kalijan ingkang badé
njamboet damel roemijin. Ananging
kanggé satoenggal-satoenggalipoen
kedah dipoenwonteni sekolahan oe-
tawi jejasan, panggénanipoen wa-
nita saged adjar.

Moegi-moegi para ingkang wadjib
anggatosna prakawis sadaja ingkang
sampoén koela atoeraken ing kala
warti Sw. Tm. ngriki, moegi-moegi
kaetjakna ingkang sampoén dipoen-
soemerepi, temtoe badé loemajan,
moerakabi golongan wanita.
Noewoen. A.

IDJAB INKANG DÈRÈNG OEMOER.

Tangga koela mentas gadah da-
mel, manggihaken (mantoe) adini-
poen èstri ingkang saweg oemoer
± 13 taoen mlampah; angsal pri-
jantoen poenggawa gadé pangkat
Kasier oemoer ± 35 taoen (tigang
dasa gangsal taoen).

Mangsoeli sakedik. Tangga koela
poenika awon-awon wedalan seko-
lahan (angka II kina), lan alit-alit
inggih kalebet prijantoen, sarta
tijang ingkang kadjèng-kéringan ing
salebeting doesoèn ngrikoe, djalaran
dados pitakènanipoen tetijang ngri-
koe; dalasan Loerah doesoèn ngri-
koe kémawon, manawi saweg kata-
man bingoeng, ingkang tinedanan
pepadang inggih ngrikoe.

Déné larènipoen èstri ingkang
kaidjabaken poenika laré sekolah
angka II saweg klas 3; poenika wa-
ngoenipoen bingah sanget déné
angsal tijang djaler blandjan (pri-
jantoen). Sepoehing laki wangoen-
ipoen babar-pisan boten katingal, na-
moeng prijantoenipoen ingkang mélok
mantjorong (é, mbokmanawi); mangka
tijangipoen djaler poenika sampoén
kawertos tijang oegal-oegalan, toer
sampoén doeda. Sanadjan doeda
nèk doeda djalaran pedjah, boten
dados poenapa; poenika boten ma-
katen; nanging anggènipoen doeda,
djalaran sèmahipoen boten gadah
anak. (poenika tjirjosiipoen pijambak;
déné jektosipoen?). Samanten daja-
nipoen prijantoen, sanadjan sepoeh,
éwadéné....

Mangsoeli malih. Kénging poe-
napa laré dèrèng ngoemoer, teka
sampoén kénging idjab, rak ngang-
gé katjontokaken roemijin, ta? Ka-
singgihan sadèrèk, mila inggih ma-
katen; tijangipoen koewatos, manawi
katoelak, ngantos boten èstoe mantoe.

Nah, ingrikoe koela soemerep
akalipoen; laré èstri dipoenwoeroeki
déning modinipoen, mitoeroet pan-
dangoening pangoeloe. Anggènipoen
moeroeki inggih sarana katjoereng-
tjoereng, kagetak - getak, kapaiben
enz. kados déné jèn saweg kadangoe
ing pangoeloe. Wangsoelanipoen
inggih dipoenwoeroeki pisan, sarta
dipoentjarjosi soepados matok. Sigeg.

Sarèng doemoegi dinten ingkang
kanggé njontokaken, laré èstri lan
modin sesarengan dateng pengolon.
Wonten ing rikoe laré èstri ladjeng
dangangoe, plek kados pamoealang-
ipoen modin, sarta inggih saged
mangsoeli ingkang trep. Wasana
tjara kiripoen pikantoe, laré èstri
kaoengelaken oemoer 16 taoen.

Makaten sadèrèk, anggènipoen sa-
mi sakomplot.

Pengoeloe poenika pandangoeni-
poen namoeng sarana ébaling lam-
bé nginggil lan ngandap, boten
medal saking boedi wening. Sam-
poen terang, tjeta wéla² laré dèrèng
ngoemoer, tiningalan woedjoedipoen
kémawon rak sampoén melok.

Koela ingkang dados tangga won-
tenipoen namoeng melas (toer ing-
kang dipoenwelasi babar pisan
boten ngraos), ladjeng toekoel ga-
sasan ingkang boten - boten. Ing-
atasipoen tijang wedalan sekolahan,
ingatasipoen prijantoen, modin lan
pangoeloe, kados makaten mangre-
tosipoen dateng babagan idjab,
poenapa malih toemrap sadèrèk-
sadèrèk koela ingkang babar pisan
boten mambet pasinaon.

Sadèrèk! Andandosi bab émah-
émah, poenika sapéranganing sarana
kanggé njakèken bangsa Indonesia.
Sapoenika kados-poendi, soepa-

dosa bangsa koela Djawi, jèn ngi-
djabaken anak, sampoén sami ngoe-
moer? Poenika boten sanès (é,
gagasaniipoen tijang tjoept) Negari
damela Wet, ingkang kinanténan
antjaman oekoeman, ingkang toe-
moedjoe dateng:

1. Tijang sepoehing laré ingkang
ngidjabaken anakipoen èstri dèrèng
ngoemoer.

2. Tijang djaler, ingkang mendet
sémah laré èstri ingkang dèrèng
ngoemoer.

3. Modin ingkang sekakel kalijan
tijang no. 1.

4. Pangoeloe ingkang ngénging-
aken idjab laré èstri ingkang dèrèng
ngoemoer.

Poenika panggasas koela tijang
tjoept; toemrap ingkang kawogan
soemangga.

Oepami Negari netepaken wèt
kados atoer koela waoe, poenapa
bebajaniipoen? Soemangga sami di-
poentandangi.

Njoewoen samodra pangakasama.
Raga semangsang.

Ngitjali idjab dèrèng ngoemoer poenika
koela tjtjog, ananging bab burgerlijke stand
kedah dipoenatoer sajektos, soepados gampil
pangoeroesipoen, poenapa laré jektos oemoer
samentan poenapa boten. Red.

KOEROE SÉTRA.

„DJAGI-POERA.”

Dèrèng — poenapa — boten — ma-
ngertos!

Lo, poenapa poenika! mangga
ladjeng!

„Malah itoe Zendeling-Zendeling
datangnja disini tidak pertama
kali membawakan kesela-
matan bagi anak-anak nege-
ri, meskipun alasan-alasan yang
menggerakkan mereka bertinggal di-
sini ada lebih tinggi sifatnja
dari pada alasan-alasan orang-orang
pedagang dan pemboeka tanah.”

Makaten tjarijosiipoen: S. wonten
ing SRI no. 47. Para maos, ingkang
njipati, pirsas, sapinten padamelaning
missie—inggih R.K. inggih Protestant
—ingkang ladjeng katjaroek: Zen-
deling, temtoe boten tegel mriksani
tetemboengan makaten.

Ngroedatos malih, ngèmoeti teba-
nipoen SRI soemebar ing gotrah
Noeswantara, lan dados: soeloehing
ra'iat;

„kemoetan bilih tetemboengan waoe
tinampi sadaja pamaos SRI dipoen-
pitados saèstoe adamel kirang prajo-
gi, mesakaken ingkang dados lésan.

1. Para maos pirsas, poenapa ker-
sanipoen, pandamelanipoen para:
Rama kita wonten ing ngriki —
molang-moeroek — nedahaken —
margining kaoetamèn — „amrih ka-
wiloedjenganing soekma.” — kawi-
loedjengan langgeng—

Poenapa poenika sanès kawiloe-
djengan?

Poenapa boten pirsas? Poenapa
dèrèng pirsas?

2. Para maos pirsas oegi — sapinten
katahipoen anggènipoen toemoet
ngadjenaken bangsa — damel seko-
lahan pinten-pinten, inggih ingkang
andap — tengahan — volkscholen —
standaardscholen — H. I. S. en —
M. U. L. O. scholen. A. M. S. . . . lo.
malih: damel, jasa roemah sakit
pinten-pinten nampi sadéngang bang-
sa, sadéngang pangkat;

Poenapa poenika nama, oegi boten
toemoet adamel wiloedjening bangsa?

3. „Poenapa doemèh namoeng sa-
manten? émoet. Prijantoen waoe
mrikinipoen saking kadjengipoen
pijambak — nganggé kantongipoen
pijambak (boten dipoenpandoe-
boten karèt, rosan) — oetawi malih
sadaja waoe dédé kadjengipoen pri-
jantoen-prijantoen waoe — sadaja
waoe sanès toedjoe — nanging: srana,
déné toedjoe i.p. no. 1 waoe. Poenapa
inggih dèrèng pirsas labatipoen pakem.
Melania, lan pakampalan ing Negari
Wlandi ingkang toedjoenipoen; nglem-
pakaken arta preloe nragadi laré
Djawi ingkang badé ngiladjenaken
sinaoe boten gadah ragad?

Poenapa SRI boten ngertos sadaja
poenika? poenapa dèrèng ngertos sadaja
poenika? Poen Djoemeneng: Soe-
loeh pantjènipoen kedah ngatos-atos

bilih andawahaken wawasan — déning kléntoening pamawas damel kirang prajoginipoen ingkang dipoentjijosi lan dipoentjarijosaken, njoedakaken pangkating: Soeloeh. Kadjawi ta manawi boten nganggep? Oepami boten nganggep inggih mèmper: nitik wontenipoen tetembongan mratelakaken bilih: sebab ingkang andjalari sami wonten ing riki poenika Ada lebih tinggi —loewih doewoer satitik—tinimbang para ngawoela arta. Mangka manawoela koela nganggep, wah sanès tandangipoen awas....!

Poenapa inggih boten oetawi dèrèng mangertos? la poenika sami lan tjarijosipoen: „Kedjawèn” mentas poenika—anggoemoeni sadèrèk: Pararta — anggènipoen njéda: antepipoen Setyawati — djer tijang kristen pijambak djamanipoen Praboe Néro—sami prasasat nemaha pedjah. lo lo rak nggoemoedjengaken.....!!!

Djagalan *Djagal-Abilawa.*

NASIB.

Sadèrèk S.H.S. nalika 1-12-'29 voordracht (njirjosaken) bab nasib, wonten ing sangadjenging „Ledenvergadering P.G.D.” kirang langkoeng makaten:

„Sadèrèk-sadèrèk! Nalika vergadering ingkang kapengker, koelanjarijosaken bab nasib, ingkang maksoedipoen: kita sampoen (boten soesah) njoewoen indakan gadji; nanging sami njoewoen toeroening regining barang-barang kémawon. Lah sapoenika bab nasib koela ladjengaken.

Sadèrèk-sadèrèk! Kita poenika kasebat goeroe. Goeroe poenika sami misoewoer jèn pinter étang-étang; njoeda, nggoenggoeng, nangkarak, petjahan, petjahan repetèn enz. sampoen boten kéwran.

Sadèrèk-sadèrèk! Goeroe ingkang sampoen sineboet pinoendjoel ing étang waoe, sajektosipoen bodo, tandanipoen: mara pamedalipoen ing sawoelan-woelanipoen tansah boten pinanggih-pinanggih kémawon.

Nanging kita goeroe, inggih sampoen alit panggalih, awit ingkang makaten poenika boten doemawah dateng badan kita kémawon, nanging oegi soemrambah dateng bangsa kita Djawi. Koela kéngetan dateng tjirjosing tijang sepoeh: Landa ikoe pinter; Tjina inger; nanging wong Djawa keblinger. Makaten sadèrèk.

Tjina nalika nembé dateng saking nagari Tjina, namoeng katokan tok; ladjeng pepriman; angsal-angsalanipoen kanggé sadéan alit-alitan, oepami: katjang. Dangoez saja mrintis, ladjeng dipoenkantèni klobot, ladjeng wewah malih sata, manjan, rokok, wasana djenggèlek, dados toko.

Lah poenika sadèrèk, tandanipoen jèn Tjina poenika inger; tegesipoen pinter ngoebedaken pamedalipoen.

Nah, sapoenika gentos sadèrèk kita Djawi poen Dadap. Bapakipoen nalika gesang sadé saoto. Sapoenika poen Dadap oegi sadé saoto, ngleloeri padamelaning bapakipoen. Saprika-saprika sadéanipoen poen Dadap adjeg kémawon, boten wewah-wewah malah saweg bapakipoen, nganggé bregedèl kentang, poen Dadap nganggé bregedèl boedin.

Malih, sapoenika toemrap kita. Nalika pandjenengan nembé benoem taksih djaka, tampi blandja f 17,50 (7 ringgit). Sareng sampoen dienst 3 taen, blandja pandjenengan dados f 18,50 (woloelas setengah). Wah gagah, tjirjosipoen mindak. Mangka pandjenengan sapoenika sampoen kagoangan raji, teka ngandika mindak. Tjobi jatra f 18,50 kabagi 2, pikantoe pinten? f 9,25 ta! Andak mindak! Sareng dienst 6 taen, blandjanipoen dados f 25, (selawé). Wah, ingkang 7 ringgit kapoerih dèrèk, boten kénging djèdjèr, kedah wonten wingking. O, kléntoe pangé-tangipoen, blandja f 25,— poenika sampoen gadah anak 2. Dados tjatjah sirah djiwa 4, tampi f 25,—; dados dawah minten? f 6,25 ta? Lah poenika sadèrèk; waoenipoen f 17,50, ladjeng f 9,25 wasana dados f 6,25. Teka saged witjanten mindak. Ing mangka sadèrèk! Blandja f 25,— poenika, kedjawi mindak anakipoen kalih, taksih katah malih kalandakanipoen, kadosta: Rasoean neda setlikan ingkang mepèd; bebed neda babaran Sala, ingkang 1 sawit f 20,— teda mindak oelam pitik, sapeken 1 enz. Lah poenika, poenapa boten kablinger sadèrèk?

Mila inggih boten goemoen; kita saja sepoeh, saja katah tamoe koela; datenging neda poenika jèn pinodjoe tanggal enèm, toer tamoenipoen Tjina; preloenipoen sadèrèk-sadèrèk sami ngretos sadaja. Tamoe poenika inggih dipoensegah wédang; tèt ipoen saking poenika tamoe, bon. La makaten sadèrèk. Mila kita ka-oem blandjan ingkang katah-katah manawi plentong tanggal, ladjeng binggoeng, peteng ing manah.

Lah atoe oetawi voordracht koela poenika moegi sami pandjenengan galih.

Toehoorder: *Sasra.*

SAKING PAKEMPALAN.

K. W. SEMARANG.

Nalika Ngahad 1 Desember K. W. Semarang ngwontenaken parepatan taenan, manggèn ing clublokaal K. J. B. ing Bangkong.

Inkang rawoeh katingal njenengaken (kados adat saben). Kinten-kinten djam 9½ éndjing pangarsa sadèrèk P. Soetjipta mbi-kak parepatan mawi tata-tjara Katholiek, noenten damel wawasan sakedik bab gesangipoen K. W. —Semarang ing taen poenika, katjek kados ing ngandap poenika:

Pakempalan K. W. Semarang, ing wiwitan taen, nalika pangrèh kalintiraken bestuur énggal kénging kawastanan gering, inggih ing nglebet inggih ing ndjawi. Mila sareng koela sadaja katoeding déning parepatan warga nalika tanggal 19 Desember 1928, ragi awang-awangan, djer roemaos kekirangan kekijatan, margi dèrèng dangoe ing Semarang lan poenapadéné roemaos taksih kirang oemoer.

Menggah programipoen bestuur waoe: 1e. ndandosi gesang kita (ing ngriki K. W.) ing kalangan kita pijambak.

2e. damel koentjaraning pakempalan kita ing kalangan ndjawi.

Menggah sadaja waoe badé kaprintji ing *jaarverslag*.

II. Jaarverslag K. W. Semarang.

1. Tjatjahing warga. Ing poengkasaning taen 1928 warganipoen wonten 25.

Ing poengkasaning taen 1929 wonten 45.

Dados tjatjahing warga mindak 20.

2. Kawontenaning arta. Saldo 1928 f 157,20°.

Saldo 1929 94,92°.

Poenika boten ateges manawi contributie boten loemebet: nanging namoeng ing taen poenika katah sanget arta ingkang medal: perloe kanggé ngleksanani idam-idaman 2 nginggil waoe: alal bahalal; Pausfeesten, pepanggihan-pepanggihan, oetoesan lsp.

3. Pangrèh ingkang katoeding parepatan taenan 1928:

P. J. Poespasoeftjpta Pangarsa.

R. M. J. Santjaja Panitra.

R. D. Dirdjawanata Hartaka.

P. Roewidadarma Commissaris.

E. S. Martawidagda „Nalika woelan Juli 1929, R. M. J. Santjaja lèrèh kagantos R. M. J. Sasraningrat; kedjawi poenika kawewahan warga énggal setoenggal, minangka dados Hartaka angka 2.

4. Tjatjahing parepatan:

a. Parepatan pangrèh kaping 6.

b. „warga 4.

c. „sesarengan P.P.K.D. kaping 2.

Parepatan tansah katah sanget ingkang ngawoehi.

5. Pandamelanipoen K. W. i. p.:

a. njamboet damel sesarengan kalijan K. S. B. ing bab:

1). ambijantoe adegipoen 1 ton fonds kanggé de Koerier.

2). ambijantoe 50 taenanipoen K. S. Bapa djoemeneng dados imam.

b. ngwontenaken inlichtingen bureau kanggé nerangaken kawontenaning Semarang: adrès-adrès, séwan grija, teda lsp.

c. ngwontenaken Alal-bahalal.

d. ngwontenaken pepanggihan kanggé sadèrèk Katholiek Indonesia ing Semarang minangka kanggé ngatoeraken soengeng rawoeh Rama G. A. padoeoka rama H. de Kuyper, sadèrèk Dr. Dwidjatanaja lan sad. A. Djoepri, poenapadéné kanggé ngoelinakaken tetepangan. Gezellige bijeenkomst katah asilipoen. Gotrah Katholiek ingkang rawoeh wonten 80, sarta ketingal sami seneng lan rena ing penggalih.

e. Ngadjengaken namaning K. W. lantaran tetepangan kalijan ti-jang sanès.

f. Njenjoeboer jajasana-jajasana K. W. i. p. Bibliotheek lan toko, tjèlengan lan Pangroekti laja.

P. L. madjeng pijambak.

g. K. W. lan kalangan ndjawi.

K. W. ngintoenaken oetoesan nalika:

h. Pésta 14 taenipoen Jong-Java.

i. Openbare vergadering. Jong-Java ngrembag: Internaat.

j. Openbare vergadering. Boedi-Oetomo ngrembag bab itjaling artikel 161 bis lan art. 153 bis lan ter strafwetboek lan Regent-schapsraden - ordonnantie.

k. ngrembag kalijan B. O. bab adegipoen *Polikliniek*.

l. gecombineerde vergadering Studieclub Semarang, ngrembag bab adegipoen Gedong pertemoan.

—Gandèngipoen kalijan pakempalan sanès, katingal saé, lan naminipoen K. W. katingal montjèr.

III. Sasampoenipoen Hartaka maos palapoeranipoen ladjeng milih veri-

ficatie - commissie, ingkang katoeding: sad. Soeraja, sad. Pascalis lan sad. Aboe.

IV. huisvestingscommissie.

K. W. badé ngwontenaken huisvestingscommissie; ingkang madosaken katerangan bab pamondokan prijantoe ingkang mentas rawoeh oetawi moerid-moerid Katholiek.

V. Leesgezelschap.

K. W. badé miteloengi para warga ingkang badé ngwontenaken leesgezelschap.

V. Pilihan Pangrèh.

Poenika ingkang dados rembag ramé sanget. Pangarsa lami sadèrèk P. Soetjipta boten saged nglampahi dados pangarsa malih djer badé ngladjengaken pasinaonipoen. Sadèrèk panitra R. M. Sasraningrat mekaten oegi. Woosana kaoendi.

Inkang kapilih sadèrèk A. Djoepri, nanging pandjenenganipoen boten nampi. Sasampoenipoen watawis dangoe anggènipoen ngrembag, sadèrèk Roewidadarma katoeding:

kersa nglampahi oeger anggènipoen njamboet damel tjara kina: alon-alon angger tekan. Parepatan moefakat.

Pangrèh énggal kados ing ngandap: Pangarsa: P. T. Roewidadarma.

Moeda Pangarsa: A. J. Djoepri Niti-hardja.

Panitra I F. J. Aboe Dirdjowinoto.

Panitra II G. Jasa Adisoewignja.

Hartaka I M. J. Manab.

Hartaka II M. J. Martowirjono.

C. Soedjana commissaris Semarang kilèn.

E. J. S. Martawidagda commissaris Semarang kidoel.

R. F. S. Adioesanta commissaris Semarang wétan.

VI. Spaarclubcommissie:

Sad. H. Soepadi, Roewidadarma, Aboe, Sardjo, lan Jasa.

VI. Bibliotheecaris: Manab.

Djam 1 siang parepatan katoetoe déning pangarsa énggal mawi tata-tjara Katholiek.

Loerah dongkol.

VAN LITH-STICHTING

MitoeIoengi

ngwontenaken wragad kanggé pasinaon saha daharing para

PASTOER DJAWI

poenika dados koewadjabanipoen golongan kita Djawi Katholiek

Mila

soemangga sami dados warganing Van

Lith - Stichting!

PANGRÈH V. L. S.

p/a. Bijz. H. I. S.

Magelang.

KRING BANDOENG.

Nitik verslag - verslag pahargjan Ingkang Sinochoen Kndj. Plus XI, kring V.L.S. Bandoeng katingal amem kémawon. Poenapa ta sebabipoen? O, boten sanès margi gotrah Kath. Djawi saweg ngroempaka adjeging V.L.S. lan Begrafenisfonds.

Ijak, kados makaten kémawon kok ngantos njoepèkaken dinten pahargjan 50 taenanipoen Kndj. Santo Rama! Déné gotrah Kath. Djawi ing Tegal mangga, poenika kénging kadamel katja benggala, kénging katiroel O, inggih soemangga sak kersa anggènipoen sami mastani, djer kring Band. saèstoe teksih sékèng; wah malih kabekta saking katah ing warga, toer ndadak sami mrentja; kalijan malih gotrah Kath. Djawi Bnd. poenika namoeng Swarga noenoet. Liripoen, para Rama boten ngabaraken ngrembag kita; sawek ngaoeroes sedèrèk Walandi kémawon sampoen roemaos kekirangan baow.

Éwasamanten gotrah Kath. Djawi ing Band. saged adamel mongkoking panggalhiipoen para Rama, djer sampoen saged ada-ada pijambak ngawontenaken Begrafenisfonds.

Ing pav. Pastoeran kala tanggal 24 Nov. kapengker poenika djam 7 sonten kawontenaken pepanggihan malih déning gotrah Kath. Djawi; perloe nggilgaken rembag idam-idaman kita Begrafenisfonds. Saèstoenipoen sampoen woengsal - wangsoel kita ngrembag pak. poenika, anamoeng djoentasiipoen saweg 24 Nov. kapengker poenika, lan kita sampoen ngjakinaken wiwiting woelan poenika madeg saèstoe. (kawiwi-tan).

Menggah wontening statuten kados kirang perloe, jèn ta kita amotaken wontening madyaning taman riki, margi mindak ngebak-ngebaki papan.

Déné ingkang dados toedjoening fonds, mligi namoeng nglempakaken

REMBAGIPOEN GARÈNG LAN PÉTROEK.

— Bab klintoening panginten —

Kedjawèn angka 95.

Garèng lan Pétroek sami rembag bab panjaroewé koela menggahing goebahanipoen Rr. Siti-Soeharti ing Kedjawèn angka 88. Sinten ingkang klintoé ing panginten? Landeping panggraitanipoen para ingkang maos lan mireng badé saged mastani. Panjaroewé koela ing Sw.Tm. no. 40 ringkesipoen rak makaten: koela boten roedjoek, awitt toelada awon kanggé njebabaken (dédé sebab kanggé njebabaken).

Mila ing ngriki badé koela djlèntrehaken pamanggih koela menggahing goebahanipoen Rr. Siti-Soeharti; mangké koela ladjeng badé ndjedjegaken dojonging pamanggihipoen Garèng lan Pétroek. (Pamen-detipoen oepami).

Nijat koela boten badé ngoemboelaken, ladjeng ngantebaken makaten. Ananging amoeng ngedalaken pamanggih ingkang leges. Rr. Siti-Soeharti ngandaraken setyanipoen wanita lan prija, nganggé dipoentoladani sawatawis. Manoet toelada ingkang kanggé nedahaken kaantepanipoen wanita, jèn Siti Soendari lan Setyawati mila langkoeng mantep katimbang Angling Darma, poenika koela inggih boten maiben, mila tjotjog.

Rr. Siti - Soeharti kagoengan panginten (subjectief), jèn Siti Soendari toewin Setyawati nganjot toewoeh (sebab anggènipoen setya dateng ingkang dipoen-ngèngèri) poenika saé, koela inggih tjotjog.

Ananging manawi soedoeck salira poenika sadjatosipoen (objectief), saé, lah poenika koela ingkang boten tjotjog, lah poenika ingkang koela papali. Lelampahan ingkang sadjatosipoen boten saé, poenika sampoen kadamel oepami, sanadjan poenika namoeng dedongèngan pisan. Oepaminipoen kémawon koela njarijosaken pandoeng soka, inggih poenika pandoeng ingkang njenjolong kanggé tjang miskin. Pandoeng koela alem; ing batos koela gadah raos: kaja mangkono ikoe toeladen. Poenapa koela ngalem makaten poenika leres? Temtoe boten, awit njolong poenika sadjatosipoen awon. Ananging (énget: atoe koela nginggil menggahing pangintenipoen Rr. Siti - Soeharti) saged oegi pandoeng soka waoe gadah panginten (subjectief) kados makaten poenika saé; nanging kawoeningana: poenika nama panginten mblasar, panginten klintoé, boten kénging dipoentolad.

Dados manawi damel dongèng oetawi toelada kedah ingkang prajogi kaalem lan katoelad, kedah milih barang, ingkang sadjatosipoen (boten manoet pangintenipoen salah sa-toenggiling tjang) saé. Kados samanten kémawon sam-

poen tjekap kanggé nerangaken tjeta-ning kadjeng koela ing Sw. T. no. 40.

* * * Sapoenika koela kalilana ngrembag kateranganipoen Garèng lan Pétroek. Katja 1503 sisih ngandap (Kedjawèn angka 95) Pétroek tjarijos: „Rèng, sanadjan lelakan sing akoe kowé wadjib ngandel, arep diaranana dedongèngan baé, ija kena-kena baé.” Lah makaten poenika kedjawi sadjatosipoen (objectief) lepat, inggih njlèwèng saking ingkang dipoenrembag. Doenoenging rembag ing ngriki kok boten *kedah ngandel* dateng salah-satoenggiling barang makaten, ananging doenoengingipoen rembag wonten lepatang panginten poen boedi lan woelang rèh (zedenwet), ingkang madjabaken tjang èstri kedah béla pedjah dateng ingkang djaler. Sebab prakawis makaten poenika boten kénging, mila pangrèh pradja sanadjan nétral pisan inggih ngawisi.

Déné menggahing Tijang Kristen ing djamanipoen sang praboe Néro; tijang Kristen ingkang dipoenpedjahi margi kaantepanipoen dateng Agami poenika, saking pamanggihipoen Pétroek *prasasat* soedoeck salira. (Dados soedoeck salira *sajektos* poenapa boten??? Par.). Poenapa mastani makaten poenika, nganggé dipoentertangaken sebabipoen? Inggih; makaten: *Awit sadoeroeng - doeroengé rak wis pada ngreti, jèn ora mitoe-roet bakal dipatèni, dadi matiné maoe prasasat disengadja.* (Katja 1504 sisih ngandap). (Dados dipoense-ngadja poenapa boten makaten poenika??? Par.)

Tijang Kristen ingkang dipoenpedjahi waoe, nglaboehi, nanging laboehipoen béda kalijan Siti - Soendari lan Setya-wati.

Oepami koela kadatengan mengsah, ingkang badé ngrebat barang darbé koela, koela kénging nanggoleng mengsah koela waoe, sanadjan koela ngretos jèn badé doemoegi ing pedjah margi nglaboehi radja darbé koela waoe.

Tijang ingkang dipoenpeksa nglampahi awon, boten namoeng kénging kémawon, nanging malah prajogi nanggoleng poen mengsah, sanadjan ngretos jèn badé tiwas.

Nanging soedoeck salira, oepaminipoen doewoeng kasoeboekaken badanipoen pijambak oetawi doewoeng dipoentjepeng mengsah, dipoenroengkebi, poenika boten kénging.

Ing mangka Agami poenika ngoengkoeli resiking manah lan aosing banda; mila dipoenlaboehi ngantos pedjah: pantes dipoenalem; nanging soedoeck salira babar pisan boten kénging.

Sampoen samanten kémawon. PARARTA.

arta, sarana narik èntre dalah Contributie, ndjagèni mbok bilih wonten salah satoenggaling warga ingkang pantjang donja.

Manoet wontening statuten ingkang kakéngingaken mlebet dados warga, ngemoengaken sadèrèk Katholiek tok, ingkang wonten ing koeboebaning gemeente Bandoeng dalah Tjimahi. Sanès bangsa (oeger Kath.) oegi kénging mlebet dados warga, saoeger kersa mbajar èntre f 10, lan arta Contributie f 1, sawoelanipoen.

Menggah pamabajaring arta èntre lan Contributie: warga i.k. pamedalif 25 medak, tjekap mbajar f 1, déné warga ingkang pamedalipoen f 25, minggah kénging 10% ning pamedal; *) déné Contributie, warga ingkang dèrèng gegarwa (legan) kasamekaken kalijan pamabajaring, kring V.L.S.; warga ingkang sampoen gegarwa lan poepoetra kedah mbajar 1½% ning pamedal.

Tanggal 28 Nov. kapengker poenika, padoeoka Rama de Rooy. (G.A.), propaganda wonten ing R.K. Kerk. Tjimahi, ngrembag (ndjembaraken) pak. kita énggal poenika. (B.F.).

1. December sonten ing Tjimahi kawontenaken pepanggihan malih, kapangarsan déning Padoeoka G. A.

Giliging rembag, kring Tjimahi badé ngangseg dados satoenggaling wonten ing Bnd. Namong gelanipoen déné Zelateur V.L.S. (i.k. oegi katoeding déning warga mangarsani Begrafenisfonds); boten saged ndjenengi, djer tjaket dalem Kazelateuran dinten poenika ragi kampirani lésoes sekedik; 5 grija ragi karisakan, dalah dalem Kazelateuran pijambak oegi kampirani, namong wonten gendèng satoesan i.k. ladjeng kepeksa nggantos, mangka kasarengan djawah deres dados pandjenenganipoen oegi ragi. alj. ketjipoehan.

Saben woelan sepisan, kadawahaken dinten Minggoe i.k. kaping tiga, kring Bnd. kawontenaken pa-

*) pangangkah arta kas namoeng sageda énggal montra.

panggihan adjeg wonten ing pav. Pastoeran bakda Lof.

Menggah ingkang kadjabah mangarsani fonds poenika:

1. Toewan E. Setoe Voorzitter
2. Rafaël Tahrin Penningmeester
3. Rd. Paulinus Djabardi) Com-
4. Paulus Ngadhimin)missaris
5. Aloewi. Soepardi Secretaris.

Donateur kaasta déning Toewan G.-F. Harahap.

Widadaa kring Bandoeng!!.

Noewoen

R. J. T. Bandoeng.

K A G O E N A N .

PASEMOM-PASEMOM ING SALEBETING PADALANGAN.

(Petikan sesorahipoen sadèrèk Hardjawardaja).

Sampoen leresipoen manawi kita boten namoeng manah prakawis politik kémawon. Kita kedah oegi manah kagoenan toewin kabodajaan Djawi. Sinten ingkang badé anggesang, manawi dédé kita pijambak bangsa Djawi.

Ing salebeting padalangan pantjèn katah pasemon loehoer-loehoer ingkang awis ginatosaken para ningali ringgit.

Loeloehoer kita anilari wasijat katah, toeladan warni-warni, ginelaraken wonten salebeting lalampahan ringgit.

Sadèrèk Hardjawardaja Moentilan, kala Setoe sonten 7/8 Desember damel sesorah sakedik bab padalangan wonten kamar bolah Sasasoeaka ing Moentilan. Anggènipoen sesorah dapoer anelaraken poenapa ingkang tinampi wonten sakolahan dalang. Sesorah waoe boten njolangan *sadaja* ingkang magepokan kalijan padalangan, éwadéné inggih katah prakawis-prakawis ingkang soeraosipoen pantes koela pèngeti ing Sw. T. ngriki.

I. Goenoengan kaanggé lantjip, poenika preloenipoen soepados para ingkang ningali sami lantjip boe-
diniipoen. Ing salebeting goenoengan
wonten gambaripoen kakajon, poeni-
ka mrasemoni kareping manoengsa.
Kajon waoe ginoebet sawer, mra-
lambang panggoebeding panggoda.
Moenjoek lan loetoeng, ateges ka-
soektjèn, déning kéwan kakalih poe-
nika kala djamman kinanipoen ka-
anggep kéwan soetji. Gambar ke-
mamang, toewin tatit: pikadjengipoen
papadang oetawi obor. Gambar
bantèng ateges karosan, déné sima
kadjengipoen: prabawa. Gambar grija
prelambang kaantepaning satoeng-
gal - toenggaling tijang. Danawa
poenika tegesipoen angkara moerka,
inggi hawa nafsoe ingkang midjil
saking pantjadrija. Gegaman ingkang
pinoendi soeraosipoen: kentjenging
panggali saged medjali oebaling
nafsoenipoen pantjadrija.
Dados sadaja waoe manoet pa-
medar sabda kénging sinoeraos:

„wong doewé kakarepan pantjèn
akèh roebédané. Nanging adja moen-
doer, awit koewé rineksa moenjoek
lan loetoeng, tatit karo kemamang,
bantèng karo matjan. Angger kowé
kentjeng karepmoe, mesti bisa nji-
rep oebaling hawa nafsoe, satemah
si omah bisa madeg déwé, kasem-
badan apa kang dadi sedyamoe.”
Wonten sawenèh ingkang negesi
gambar-gambar ing salebetipoen
goenoengan waoe awawaton kéra-
basa, makaten: Loetoeng ateges:
apa-apa sing ko-oeloe étoengen.
Moenjoek: begdja moenjoek - moe-
njoek teka déwé. Kemamang ateges
adja mamang, sing kentjeng karep-
moel Oela, dapoer pamoadji soepa-
dos tjarijisoepoen saged pandjang
kados sawer. Bantèng lan sima,
poenika gambaripoen ingkang jasa
ringgit: santosa amrabawa! Wit-wit-
an: samoebarang ana wiwitané. Ron
toewin oewoh: samoebarang ana
wohé.

Badé kasambet

OERAP-SARI

KABAR KATHOLIEK.

Nata Italie saestoe sowan dateng Vatikan.

Kala tanggal 5 Desember, Sang
Nata Italie sakalijan pramésuari é-
stoe sowan maritoewi dateng Vatikan,
nitih kréta kantjana. Lalampahan
poenika pantjèn pantes pinéngtan,
margi saplok wonten rembag Ro-
meinsche Kwestie doemoegi sapriki,
dados sampoen 69 taon, saweg
sapoenika Nata Italie katingal won-
ten Vatikan.

Sang Pramésuari dipoenparingi
tasbèh djéné pinatik sosotya, poe-
napadéné gambar dalem Dèwi Ma-
rijah tedakan saking gambaranipoen
Raphael.

Déné Sang Praboe dipoenparingi
petèn pèni damelanipoen Beltrani
isi kalempakan arta ing poendi-
poendi gadahanipoen Vatikan, tjat-
jahipoen sakawan, mawi gagam-
baran saé. Kadjawi poenika dipoen-
paringi petèn alit isi medali salaka,
djéné toewin proenggoe, ingkang
medalipoen mligi kanggé mèngeti
woedaring Romeinsche Kwestie.

Déné Sang Nata Italie ngatoeri
pangèngt-èngt awoedjoed Salib
kagem wonten djadja, wedalan kina
tinarètès ing bariljan. Kadjawi poe-
nika ngatoeri Salib alit tilaran saking
Kraton Savoye.

Naréndra kekalih poenika anggèn-
ipoen wawan pangandika namoeng
kalih dasa menoet. Sang Nata Italie
kalijan Pramésuari wonten Vati-
kan inggih sowan dateng Grédja
St. Pieter, sarta sami sembahjang
wonten ngrikoe.

Katjarijos, manawi tanpa alangan
ing awaling taon ngadjeng, ngarsa
dalem Kg. S. Rama badé malesi
pisowanipoen Nata Italie waoe.

Soedjarah sapisanan lan mbre- kahi goewa Sendang-sana.

Hanon, martosaken:

Angleresi raja dalem Dèwi Ma-
rijah Pinoerba tanpa dosa asal, lan
75 taonipoen kanjataan waoe ka-
kejakaken ing P. Soetji (8 De-
cember '29), goewa pepetan Lourdes
ing Sendang-sana (Promasan) ka-
soetjekaken ing Pandjenenganipoen
Rama Soeporjor. Sabibaripoen ndè-
rèk Mis Soetji, tjang Katholik sa-
daja ± 1300 sami arak-arakan da-
teng goewa, samargi-margi sami
sembahjang. Rama Prenshtaler ngan-
dikakaken, jèn wekdal poenika
djangkep 25 taon nalika Soewargi
Rama van Lith mbabtis tjang ngri-
koe ± 400, nganggé toja ing sen-
dang ingkang doemoenoeng sanga-
djenging goewa.

Ladjeng manjanji (zangers saking
Moentilan) lan sembahjang katoer
Dèwi Marjah.

Barnabas Sarikrama, tjang Djawi sapisanan ingkang kaparingan noegraha dalem K. Santo Rama, woedjoed medali djéné.

Pijambakipoen poenika goeroe
agami Kalibawan ingkang sampoen
25 taon miteloengi Missie. Pra-
mila I. S. K. Santo Rama Pius XI
maringi pratanda. Menggah woed-
joeding medali katjirjane Potrèt
dalem K. Pius XI, déné soewalik-
ipoen sineratan „Bene merenti”
(teges: Kanggo wong sing gedé
lelaboehané); sanginggilipoen tjiri
wapen dalem (Het wapen des
Pausen). Medali waoe kaparing-
aken déning Rama Soeporjor pijam-
bak. (Ing salebetipoen noetjekaken
goewa).

Kita Katholik wadjib ndèrèk bi-
ngah-bingah, lan ngèngt-èngt
noegraha ingkang tjoemlorot saking
tanah Roem waoe.

SAKING - „MOENTILAN.”

C. Ordeeka, martosaken:
Tanggal 8 Desember poenika sa-
daja para gotrah Katholik moel-
jakaken Sang Pinoedjoel ing ka-
soetjijaniipoen sadjagad boten won-
ten ingkang nimbangi, i. p. Sang
Iboe Kenja Dèwi Marjah; déné
tanggal 8 Dec. kepengker poenika
djangkep 75 taonipoen anggèning
Sang Kenja kakejakaken: *moeloes
tanpa tjiri*.

Ing Moentilan kawontenaken pa-
koermatan kondjoek Sang Dèwi,
kelerasan dipoendjenengi: Alg. Over-
ste Broeder Onbevl. Ontv., saking
Maastricht saha zuster saking Roem!
Wontenipoen:

a. Orkest toewin menjanjian: *Ave
Maria*, para siwa P. A. M. S. lan
H. I. S. katoentoen Rama Schouden
— saénipoen — andoedoeti, para
maos pirsas pijambak bebasan: koe-
rang tjandra toerah ramya.

b. Sekar 3 stennig kondjoek
Djeng Iboe, siwa N. S. ing ngriki
tjekap koela ateraken: *bisané en-
goné angréka*.

c. Beksan lawoeng, siswa N. S. —
saopami ingkang sinéwa ing para
poetra gotrah katolik poenika Djeng
Iboe saestoe, sanès pepetanipoen,
bokmanawi badé goemoedjeng pirs-
sa: tjoejtjet-trampiling badoet, mi-
wah: tjoejtjet, gandes-loewesing so-
lahipoen poetra ingkang manganggé
satrija - aben

d. Ontjèn sekar mawar kondjoek
Sang Dèwi (versje) - siswa H. I. S.
pinteré ingkang anggeoloeng.

e. Gambar pedjah: Soegeng da-
lem Sang Pinoerba Soetji - kaandar-
aken Hr. R. J. Djajaatmadja, boten
badé kirang tjeta. Ing ngrikoe ke-
tingal kados - poendi Dèwi Marjah,
asma ingkang oegi ateges: ingkang
koewasa, paring pepadang, ingkang
soelistya, anggèning masrahaken
saliranipoen babar pisan dateng ing-
kang koewas.

Nalika dèrèng kempal lan S. Joe-
soep, angsalng padamelan nenoen
lsp. mligi katjaosaken kagem pa-
ngagemaning Imam; anggèning si-
naoe maos namoeng: mèlik sageda
ngertos maos boekoe-boekoe Soe-
tji. — Makaten wiwit timoer ngantos
doemoegi ing séda, soemarah ing
Pangéran.

f. Minangka panoetoep — sadaja
sami ngidoeng: „Gebenedijdt zijt
Gij.” — bibaran.

„Pinoedji Sang Pinoerba Soetji
Moeloes tanpa Tjiri.”

SAKING MEDARI.

Redactie pikantoeik pawartos sa-
king M. M. kados ing ngandap
poenika.

— Ing Standaardschool béndjing
Minggoe 3e. Zondag December 1929
poenika badé dipoenwonteni recol-
lectie groep Medari wiwit djam 8-10
éndjing, ladjeng kasambet conferentie
nipoen goeroe missie groep Medari,
perloe badé ngrembag: ndamel pro-
graming actie (lampah) ingkang ba-
dé dipoenetjakaken ing th. énggal
1930. sarta matitisaken woh-woh-
ipoen actie nalika taon 1929.

Manawi wonten sadèrèk goeroe
missie sanès groep badé mertamoe
katampi tangan kalih, lan dipoen-
sedijani sawontenipoen.

Groep Ngidjon prajogi damel oe-
toesan minangka tamoe ing pe-
ngangkah sageda damel perhoe-
boengan.

— Ing Lodji Nglempong béndjing
tg. 26 Desember badé dipoenang-
gé adjanging Congrèsipoen para
Katholik ing groep Medari (Katho-
lieke dag). Ing dinten waoe sadaja Ka-

tholiek ing groep Medari sak-saged-
saged badé ngempadados satoeng-
gal wonten ing Lodji, badé sesa-
reng mahargja dinten ageng Decem-
beran, programanipoen:
djam 8 nglempak, ladjeng sembah-
jang sesarengan, noentèn voordracht
bab mijos Dalem G. J. wasana me-
dal pasogegatan teroes mirsani peti-
lan wajang saking pakempalan
Beksa wiwara tama, (goeroe-goeroe)
lan wajang djembloeng soembangan
saking sadèrèk ndjawi, kinten² djam
3 of 4 sonten kadamel bibaran.

— Tjekakan verslag Missie ing groep Medari ing salebetipoen th. 1929.

1. Sekolahn volkschool tambah
3 idji.
2. pakempalan tambah K. W., dé-
batingclub, lan sinaoe bek-
sa. (gebouwen), grija sekola-
han Toeri 4 kamar, grija sekola-
han doesoan 1. (Ketjemé).

Grédja Medari mindak wonten
boek, soemoer, koelah lan èmpèr
pit.

Cursus daloe. Ing Standaard-
school Medari cursus daloe wonten
moeridipoen 100, sami sinaoe We-
landi, aksara Latin lan aksara Djawi.
Wanita Katholik sampoen gadah
cursus sonten djam 4 t/m. djam 5,30.
moeridipoen para prijantoen poetri
garwanipoen para prijantoen ing
Medari sampoen wonten prijantoen
15 manggèn ing dalemipoen sadè-
rèk Soeprapto.

Ing doesoan sanès, oegi sami won-
ten cursus daloe katjenging ing per-
soneel missie radin-radin moeridi-
poen 20 sami tjang sepoeh-sepoeh.

Prakawis ingkang perloe dipoen-
prihatosaken,

1. sak wenèhing sekolahn doe-
soen wonten ingkang tjatjahing
moeridipoen moendoer.
2. Djoemodoeling circulaire „Canis-
sius” bab: oekoemanipoen para
goeroe-goeroe missie dateng
moeridipoen.
3. Bab kiranging personeel missie
ing groep Medari, ingkang perloe
ngopèni tetijang ingkang
sampoen Katholik lan ingkang
badé dados Katholik, katah
papan ingkang mbetahaken pi-
woelang Agami, nanging boten
saged njoekeani, djoeroe moe-
lang ingkang gandum.
4. Lebeting tjang Katolik dateng
Grédja radi kendo, poenika
toemoesipoen No. 3.

Pakempalan-pakempalan Medari,
kadosta Pangroektilaja, K. W. kerk-
bestuur, enz; saweg sami riboet
damel jaarvergaderingipoen.

Bab Jeugdorganisatie Medari.

Ing Standaardschool Medari, moe-
rid - moeridipoen sami dipoen-gladi
bab pakempalan.

Wonten laré pepilihan sekolahn
ngrikoe kirang langkoeng 20 sami
mangoen organisatie dipoenpimpin
T. Kresnahamidjaja (Soedahad). La-
ré 20 waoe dipoenwoelang bab-bab
ingkang gegajoetan kalijan pakem-
pala. Oep.:

Apa tegesé: Voorzitter, Secretaris,
Penningmeester, enz.

Kaprijé koewadjiabané pangrèhing
koempoelan.

Statuten lan H. R. ikoe apa? Con-
tributie, èntré ikoe apa, lan tandjané
kaprijé, donateur, eerelid, bescherm-
heer ikoe apa? Comité ikoe apa?

Kaprijé tjarané wong nganakaké
koempoelan. Perloené koempoelan.
Sarta laré-laré waoe dipoen-gladi
voordracht wonten ngadjenganing
tjjang katah, dipoenbidji ing goeroe-
goeroe, ingkang saé pijambak mon-
delingipoen lan wiraganipoen gine-
man wonten ngadjenganing tjjang
katah, angsal prijs, poenika toe-
mindak kala-kala jèn pinoedjoed
ngaso, mawi dipoensedijani koersi
inggil.

Ing ngriki para goeroe nggladi
sageda para moerid ing tembé sa-
ged gampil lan trampil nglairaken
gagasanipoen wonten ngadjenganing
tjjang katah. Wiwitan katah ingkang
nggragap, ndredege, glogap - glagep,
enz. nanging sapoenika sampoen
ketingal wonten wohipoen, malah
wonten ingkang sampoen ketingal
kanggènan sesipatan Mussolini:
mangsoeli pitakènan saged tjeg del.
Koela ngintèn laré waoe jèn saged
angsal didikan pemimpin ingkang
sampoerna, saged dados.

Sanadjan laré waoe tembé ge-
sangipoen namoeng agegaman cur-
sus Standaardschool, pandoeji koela
saged dados pemimpin, ngoengkoeli
ingkang langkoeng inggil diploma-
nipoen, awit saknjatanipoen tjjang
saged dados pemimpin poenika
boten pandang diploma.

Moerid-moerid waoe sapoenika
sampoen gadah pakempalan nami:
„Mardi koepija” moegi toeloesa
soeboer.

ONTJÈN SEKAR GAMBIR MELATI.

NEUTRAAL !!!!!

Saking neutraalipoen, ngantos
(Actienipoen „Bahagia”).
—o(—

Neutraal, poenika gagajoehan-
ipoen koran *Bahagia* ing Semarang.
Neutraal, dados sasantinipoen sa-
dèrèk ing Komidistraat!

Nanging, saking neutraal-
ipoen ngantos prakawis ingkang
sampoen genah kémawon dipoen-
godjag - gadjegil!

Bahagia no. 273 tg. 7 December,
wonten artikel „Europeanen als hos-
pitan in Indië” ngewrat pamanggi-
ipoen dr. van Blankensteyn, petikan
saking *Volkscourant*. Artikel waoe,
pandoeji koela damelan redactie.

Sasampoenipoen sakedik - kalih-
kedik mantjahi pamanggihipoen toe-
wan Blankensteyn, wonten tengah-
tengahing artikel, *Bahagia* tjarijos
makaten: „..... Apa ada Goesti
Allah jang bisa mengadili? tidak
ada barangkali, sebab sampai
di ini hari kalau kita tidak ber-
boeat apa-apa, Indonesia djoega
akan tinggal begitoe, begitoe
sajda. Dari itoe, seroan kita
bekerdjalah..... Tidak ada
jang bisa dipertjaja selainnja
kekoesa'anmoes sendiri. (N. B.
Dojonging aksara déning P. M.).

Dados, *Bahagia*: I. Rangoe-rangoe
ing manah: „Goesti Allah sing bisa
ngadili koewi ana apa ora?”

Pitakèn makaten poenika, sam-
poen kènging kanggé ngoekoer
neutraaliteit-ipoen *Bahagia*.

Sampoen wola-wali Patjar Mérah
anarangaken: kita anggadahi wasijat
saking loeloehoer kita woedjoed pang-
andel dateng wontening Allah sa-
toenggal. Mila manawi wonten ban-
sa kita, ngoengkiri wontening Pangé-
ran, poenika ateges amboetjal wasi-
jating loeloehoer. (— Poenika boten
ateges bilih sadaja filaraning loeloeh-
hoer kita, kedah dipoennaloeri! —).

Bahagia pijambak kerep sanget
angèngtaken bangsa n riki soepa-
dos netepi Wétanipoen! Nanging
sapoenika, (sadjak) ngoengkiri ta-
tales Wétan ingkang bakoe pijambak!

Koela taksih kèngetan (— nanging
kesoepèn wonten *Bahagia* nomer
pinten —), koran Semarang poenika
moengel makaten: „Wij Indonesiërs
zijn broeders van één God!” Nanging
sapoenika sagedgadahi pitakènan ma-
katen! Poenapa poenika ingkang di-
poenwastani *sendjata makan toewan*?
È, apa kedajan panasé koeta Sema-
rang, kimboehan panasé ketiga dawa?

„Goesti Allah ana apa ora?”

Bahagia mangsoeli: „Barangkali
tidak ada!” Wangoelan makaten
poenika sampoen anjaketi dateng
„Goesti Allah ora ana!” nanging

taksih kamoran manah tida-tida!
Soenggoeh kasihan! Mangga sadè-
rèk, koela atoeri njatitèkaken sadaja
ingkang goemelar wonten djagad
poenika! Mangga koela atoeri maos
„Kitab Dalem Pangéran” (djagad)
ingkang sabèn dinten pandjenengan
sanding, pandjenengan soemerepi,
nanging boten naté pandjenengan
waos! Mangké, pandjenengan mesti
boten doemoenoeng wonten alam
godjag-gadjeg makaten!

„Goesti Allah ana apa ora?” —
Barangkali tidak ada! Sebab sam-
pai di ini hari kalau kita tidak
berboeat apa-apa, Indonesia djoega
akan tinggal begitoe, begitoe sajda!”

Poenapa makaten poenika sam-
poen kènging kanggé amatoni: ora
ana Goesti Allah?

Sadèrèk ing Semarang! Wonten
koeli onderneming tjarijos makaten:
„Administrateur koewi odak ana!
Sebab, nèk akoe odak njamboet
gawé ja odak olèh doewit!” Poe-
napa wawatonipoen koeli onderne-
ming makaten poenika inggih pan-
djengnengan leresaken?

Wonten moerid tjarijos: „Goeroe
koewi rak dak ana! Awit, nèk ndok
sekolahan akoe odak noelis odak
barang, ja isèh adjeg baé kaja dèk
akoe lagi mleboe sekolah!” Poena-
pa wawaton makaten poenika
pandjenengan leresaken? Manawi
kaleresaken, pandjenengan tetep
koela wastani *loetjoe!*

II. „Tidak ada jang bisa dipertjaja
selainnja kekoesa'anmoes sendiri!”
Dados koewasaning salira pribadi,
poenika toemrap *Bahagia* sampoen
asipat inggil pijambak!

Redactie *Bahagia* semoenipoen
kesoepèn jèn èbahing badanipoen
pijambak *boten* kawasésa déning
salira pribadi! Kesoepèn bilih ge-
sanging manoesga *boten* pinoerba
déning angga prijangga!

Poenapa prijantoen *Bahagia* boten
naté mireng tjang pedjah, boten
naté mireng tjang pedjah dadakan?
O, oepami njata koewasaning sarira
pribadi boten kalindih ing pang-
wasa sanès, tjang waoe mesti mo-
gok boten poeroen pedjah! Inggi
pedjah poenika prijantoen ingkang
melèhaken titah ambeg koemawasa,
ingkang moengel: „Tidak ada jang
bisa dipertjaja selainnja kekoesa-
anmoes (koe) sendiri!”

Semanten roemijin!

Kumuningsasèl 9 October '29.

Taklim: PATJAR MÉRAH.

KABAR OEMOEM.

INDONÉSIAH.

MISSIE LAN GOEROE MISSIE.

BAB: SCHOOL ACTIE *)

Kados-poendi gandèngipoen kalih bab ing
nginggil poenika?

Tjebi, leres lepatipoen soemangga para
maos: leres dipoenagem, lepat dipoenboetjal.
Sepisan. Gandèngipoen kados déné rama
lan poetra.

Kaping kalih, kados déné madjikan lan
berahipoen.

Jèn kalih-kalihipoen dipoenoeled dados se-
toenggal ladjeng nami, anak boeroeh doe-
wèkè bapak.

Koela sami nampi lan mindakaken deda-
woehaning rama, déné rama ngoetoes oetawi
dawoeh poenapa² dateng koela, kanggé
kabegdjan koela sadaja sak anak-poetoe.

Jèn makaten koela para goeroe missie kedah
toemandang kados-poendi, oetawi nganggèp
kados-poendi dateng koewadjiaban koela sa-
daja?

1e. Kedah toemandang sengkoet, temen,
toememen lan ngemen-emenaken.

2e. Toemoet mikir lan ngenam-enam nalar
moerih tebaning missie saja wijar.

3e. ngGladi kaprigelan soepados samangsa-
mangsa wonten perloe, kita saged soemoeli
anggentosi pakarjaning missie.

Ingkang kaseboet ing bab 3. poenika kang-
gènipoen wekdal sapoenika langkoeng déning
perloe.

Pramila para sadèrèk goeroe-goeroe
missie toewin sadaja kadang Katholik In-
donésiah djaler èstri enèm sepoeh saja ing-
kang ginandjar redjeké agoeng déning Goesti
Jésoes, sadaja kémawon boten mawi milih
lan mestani. Mangga sami énggal-énggal
adjar proof, njinaoe ngemoedèni missie asara
na toemoet ngemoedèni oetawi ndamel
énggal sekolahn-sekolahan, dokteran-dok-
teran, roemah miskin, ndamel grédja-grédja,
goeroe agami enz. poendi ingkang saged
dipoentandangi roemijin.

Poenapa ngendika dèrèng kijat? Saking
sekedik waton adjeg tambah lan gesang,
mangké rak kijat, koela atoeri ngèngeti, se-
pinten-kekijatanipoen tilikan kenari, kloewak,
kemiri, sepinten agenging tilikanipoen, lan
kados poenapa atosing tjangkokipoen: déné
kok inggil dangoe-dangoe saged ndjebol toe-
woeh ngremboejoeng.

Koela mireng para sadèrèk ing Madijone
sampoen miwiti mbikak sekolahn, la rak
ngatèni poendi malih? Ing papanipoen ingkang
ngotjèh poenika (Medari) inggil sampoen
mak kredoet badé toewoeh antjas ma-
katen waoe, sokoer, mangga sanès panggènan!
Nanging wawasan koela antjas makaten
waoe prajogi dipoendamel manoesnggil, dados
sak bebadan, boten pating prentjil dlemok

*) Ngèngeti roeping papan, lan mèkani sampoen
ngantos andjarali seling-seling, korangan poenika ke-
peksa wonten pérangan ingkang koela itjali oetawi koela
ringkes. Moegi sadèrèk „Draadloze telegraphie Medari”
sampoen gerah ing penggalih. Red.

tjoeng, ladjeng njoeda kekijatan, temah wo-
roeng. Kados oepaminipoen ing Medari toe-
woeh antjas ingkang saé waoe. Toewoehipoen
adreg, nanging doemoeginging ngendon me-
tjotot, sabab saking kirang kekijatan. Jèn
ngantos antjas waoe woeroeng poenapa boten
éman sanget. Mangké gèk sanès panggènan
wonten malih antjas kados Medari, nanging
inggil namoeng plembang-plamboeng kéma-
won, la rak memelas.

Toemrap Medari, koela wawas, rehèné koela
tjelak, jèn actienipoen waoe èstoe badé di-
poentandangi pijambak boten angsal pam-
bijanton saking sanès panggènan, kados oepa-
mi saking kita, Ngidjon, Kalasan, Moentilan
enz. sadjakipoen namoeng badé kados laré
alit adjar noemak pit ingkang soekoenoepoen
tjoeptet, temah pidjer dawah glangarsan, Hla
poenapa namoeng badé sami dipoenpirsani oe-
tawi dipoen-gegoedjeng? temtoe pandjenan-
an sadaja boten téga. Groep Medari sanadjan
oepamia boten kijat ngangkat actienipoen,
éwasemanten glagadiipoen kok boten badé
moendoer sak-ramboet, tekisih teroes badé
ngoeidi, adedasar loewes, njarah rowang,
liripoen: mbijantoe inggil poeroen, dipoen-
bantoe inggil boten wegah toemandang. Èstoe,
djandji dipoenbijantoe para kadang R. K. ing
poendi - poendi, Medari saged mbikakaken
sekolahan-sekolahan oetawi jasan santèsipoen.

Mangga, poendi lan sinten? Mendoet bi-
jantoe, poenapa ambijantoe Medari. Sampoen
ngantos ora kabèh, oetawi emoh kabèh lol
jèn pandjenengan moendoet bijantoe, koela
atoeri ndamel comitè bab poenika wonten
ing papan pandjenengan ngrikoe, mangké
comitè Medari badé mbijantoe sarana kin-
toen, réka oetawi arta. Déné jèn pandjenen-
an badé ambijantoe karsa dados consul
comitè Medari wonten ing papan pandje-
nengan, ladjeng kintoen réka oetawi arta
dateng Medari.

Mangga rembag poenika dipoenramèkaken
wonten Swaratama ngriki lan oegi kénging
lelawanan pijambak dateng comitè Medari
p/a sadèrèk Martodeksono Mantri goeroe
Medari.

T a m b a h a n, kanggé tetandingan:

1. Sadèrèk golongan Protèstan sampoen
miwiti, nglijer sekolahn Zending, Standaar-
school Klitren (Jogja). Roemiljan kaeoroès
déning Zending, sapoenika déning bebadan
saking sadèrèk Protèstan Djawi.

2. Wonten kabar ing Patalan kidoel kita
Djokja, ing ngrikoe djiwa Protèstan namoeng
± 130 sampoen saged ndamel grédja pijam-
bak begrooting f 3030, kabikak nalika 22
October 1929, voorbereidingipoen namoeng
5 th.

3. Prambanan, djiwa Protèstan 90, voor-
bereiding 3 th., saged ndamel grédja regi f 3060.

4. Ngajodja, sampoen saged njanggi² ning
ragadijoen Dominé Djawi, ingkang blandja-
nipoen f 95.

Golongan M. D. saja sampoen kijat malih.
Mangga - mangga para kadang Katholik,
sampoen kasèp.

Draadloze telegraphie Medari.

